

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 21 1948

8

T5781 / 2180.1 (8)

奉

天承運

皇帝制曰朕紹續洪基撫臨區宇勤求治理旰食宵衣罔敢暇逸深惟邳隆之世朝宁有喜起之風臣鄰矢公忠之誼司民社者樹懋績列庠序者砥純修朕與中外諸臣諄復誥誡庶幾黽勉恪恭各殫厥心臻茲盛軌易曰天地交泰言明良之慶也書曰推賢讓能庶官乃和言師濟之美也蓋堂陛孚於一德而後謨明弼諧克贊其猷僚采合爲一心而後撫辰凝績共收其效朕推心置腹一本至誠

哈佛大學漢和
圖書館珍藏印

冀百爾臣工抒誠啓沃以襄治化而在廷諸臣果能精白乃心夙夜獻替無愧篤棊之義歟抑羣策羣力固將翕受敷施何以俾同朝共事之臣和衷交勉以躋賡歌颺拜之盛歟人臣職內職外皆朕股肱耳目之寄必也忠以居心公以蒞事然後能與君爲一體苟黨援互結而懷溺情阿比之私文貌相承而挾矯詐沽名之術何以稱靖共匪懈無忝厥職也今欲使內外諸臣相勉於古大臣公忠體國之誼欽乃攸司無載爾僞勵匪躬之節而凜勿欺之忱果何道之從歟至於牧令爲親民之官

一人之賢否萬姓之休戚係焉而初登仕籍之人未嘗試之以事何由知其勝任與否而用舍之歟天下州縣繁多有一官卽需一人銓補旣不容以少緩而又欲酌繁簡之宜使人稱其官才符於職其道安在夫課吏者督撫之責也務爲姑息必長廢弛玩愒之風稍涉苛求又非爲國家愛惜人才之道何以勵其操守作其志氣策其不逮宥其過愆使羣吏承風率教鼓舞奮勉以奏循良之績歟國家造士之典至渥所期於士者至厚非專以文詞相尙也必崇實學敦實行處則爲經明行修之

彥出則爲通方致遠之材始克副長育造就之至
意乃海內之士或馳騫於聲華或緣飾於巧僞而
僞野樸魯之質又拘迂固陋而無適於用將欲使
之洗滌積習相與進德而修業其何以漸摩陶淑
因材造就以儲譽髦之選歟夫君臣上下一德一
心斯庶官有所表率而各殫厥職矣內外官僚克
勤克慎斯羣材莫不奮勵而各端其習矣爾多士
留心經濟有素其各抒所蘊以對朕親覽焉

周 霸

臣對臣聞帝王之建中錫福而弘萬世之不基
也必能與天同運如天之健行而不息則堂廉
殿陛之間皆觀感於主極之精純而共臻夫師
濟明良之盛必能與天合德如天之廣被而無
私則臣鄰士庶之衆皆統貫於王猷之敷布而
共底於蕩平正直之風蓋天無心而成化者也
而五行迭運四序推遷節宣其氣者總無一息
之不周聖人繼天而出治者也而庶司分職多
士承風克綏厥猷者要無一端之遺憾是以持

盈保泰則元首明而股肱良也宣猷布化則大
臣法而小臣廉也簡賢任能則懋官懋賞而天
下皆砥礪夫素絲之節也興行育才則黜浮崇
實而天下皆濟滌於棧樸之化也惟有嚴有翼
常明作以開天下之先故中外臣民皆其精神
所措注不競不綵常敬慎以持天下之後故官
方士習皆其宵旰所勤求自昔唐虞三代風動
誠和鴻圖永固享國久長者其道恒由於此也
欽惟

皇帝陛下

瑞應軒圖

道隆義策

欽明文思而廣運集羣聖之大成

剛健中正以粹精冠百王而首出

本太公以經綸萬有民誠物阜弘景運於中天

推至誠以兼總三才玉振金聲永昇平於寰海

所其無逸凜鑒觀於日旦日明而精誠昭格時雨

時暘時寒時燠休徵協四氣之和

彰厥有常陳彛訓於無黨無偏而大化覃孚自西

自東自南自北聲教訖八埏之遠固已九功歌

敘致平成清晏之祥萬福凝承覩日月星雲之
慶盛德大業炳炳麟麟累洽重熙綿綿奕奕矣
乃

聖不自聖愈切於疇咨而安益求安彌殷於博訪爰
進_臣等於廷而策以君臣交泰之隆風勵公忠
之誼與夫慎選循吏之法敦崇實學之方_臣至
愚極陋何足以仰酬

清問然對揚伊始敢不抒管窺之見以爲拜獻之先
資乎伏讀

制策有曰堂陛孚於一德而後謨明弼諧克贊其猷

僚采合爲一心而後撫辰凝績共收其效大哉
聖言此誠千古一德之休風也蓋大君首出以理萬
物則上凜天命下畏民岩必精勤惕厲而始有
六合一家中國一人之象臣代君以分理萬民
則進思盡忠退思補過惟致身報主而始有不
貪寵利不顧身家之忱粵稽唐虞之世堯咨舜
傲而兼資夫益贊而臯賡故庶民勵翼以効其
能慎修思永以端其本而翼爲明聽之才用以
弼時雍之治成用之世文謨武烈而兼資夫右
召而左周故分陝以佐朝家保釐以藩王室而

馮翼孝德之士用以成太和之休我

皇上推誠布公體信達順膏澤之施羣生無不被尊親之戴九有無不同乃猶於隆盛之時日與內外臣工動色諮誠百爾臣僚誠體此意而殫夙夜之誠效篤棊之義祛推諉之念絕瞻顧之私則上下交而志同自左右民而征吉而同交泰於天地大喜起於都俞矣

制策又曰忠以居心公以蒞事然後能與君為一體欲使內外諸臣勵匪躬之節而凜勿欺之忱大哉

聖言此誠萬世臣道之極軌也書曰同寅協恭詩曰夙夜匪懈蓋言敬也唯敬則無私而黨援阿比之必絕惟敬則無怠而効忠宣力之必勤蓋其平居之正厥心者以君父為重則當官體國自靖其爾位必不役志以營私平居之誠厥意者以聖賢為師則擔爵析圭自精白乃心必不欺公而罔上我

皇上至德如天至明如日廉幹者蒙任使之專獎勵必優於倫等才能者膺不次之擢資格不限以恒規則凡家修而廷獻者孰不矢心幽獨竊慕

夫有猷有爲有守之兼長亦孰不共濟和衷父
儆於日清日慎日勤之古訓由是公爾忘私國
爾忘家皆奮發以副

聖主之精勤入則贊化出則宣猷皆黽勉以盡臣工
之心力而協恭之盛匪躬之節何難再見歟

制策又曰牧令爲親民之官欲使人稱其官才符於
職承風率教鼓舞勉勵以奏循良之績大哉

聖言此誠建官維賢之至意也夫安民莫先於察吏
而流品則大有不同行事易見於服官而賢否
難定於初試蓋跡之所託旣不可以定其心而

心之所藏亦未足以定其品故車服之庸必先
之以明試敷奏而登進之典必資之於詢事考
言欲斟酌州邑繁簡之宜而得其才能之實非
責之督撫大吏無以知其詳也我

皇上睿鑒羣材無微不燭三升之典旣遴選之咸宜
六計之條尤甄別之至當而更委之事以試之
聽其言以察之付之公正無私之大吏以考其
績而黜陟之則觀其歷試之才能以振作其有
爲之志氣而寬宥其無心之過愆則所以課吏
卽所以安民而繁簡之牧令皆得其人而龔黃

卓魯不能擅美於前矣

制策又曰士必崇實學敦實行將欲漸摩陶淑以儲
譽髦之選大哉

聖言此誠樂育人才之盛心也竊惟學校爲風化之
原多士爲齊民之倡考之於古六德六行之教
必先於六藝孝弟力田而外首重夫賢良凡欲
敦崇實學愛養人才以儲任使也夫廉恥者名
教之大防故器識爲先而文藝爲後忠孝者立
身之大節故德行爲本而才華爲末我

皇上陶鑄羣倫風勵士節重之以賓興試之以文行
立賢無方一長必錄務使讀書稽古者明體達
用無貪鄙之行無邪曲之私不自菲薄振興鼓
舞以期風俗人心之厚也夫師道立則善人多
經學明則大義著誠或仿學校貢舉分年之議
兼京學州學考課之法而推廣行之則積習當
必滌除而實行有不敦尙者乎是數者事有相
因而理無二致故以昭法紀則海內清明羣黎
徧德神人共慶其嘉祥以彰德化則臣庶安寧
民物康阜朝野樂觀其盛美堯舜之執中湯武
之建極先後同源剗守一轍也由是王道丕著

天德懋昭我

國家萬年有道之長基於此矣

臣草茅新進罔識

忌諱干冒

宸嚴不勝戰慄隕越之至

臣謹對

沈昌字

臣對臣聞帝王之繼天出治而啓萬年有道之

長也必有一德一心之盛而後翼爲明聽以寅

亮夫天功斯庶績熙而萬邦寧也必有不二不

欺之志而後股肱耳目以分猷而宣力斯臣道

盡而公忠著也牧守之選擇得人則官稱其職

民得其安考之以績皆牧民任事之材也師儒

之董率克勤則成人有德小子有造儲之於國

皆論秀書升之選也夫上下之交既本於中孚

之信則手足腹心聯之皆一體之愛矣公忠之

志實根諸天性之誠則庶司百職分之皆猷念
之從矣以才之大小任以事之繁簡則有爲有
守各效其長而承流宣化之寄於是而重矣以
行之敦怠核其文之華實則有德有言克全其
才而經明行脩之士於是而出矣自昔唐虞三
代之隆所以奮庸熙載亮采惠疇教化成於上
風俗淳於下明良交泰萬邦協和以至諸福之
物可致之祥莫不旋至立效者其道悉由於此
欽惟

皇帝陛下

健合天行

照同日麗

首庶物而出聰明睿知足以有臨

位天下之元寅畏嚴恭所其無逸

基命於善繼善述宥密相傳疊疊皆紹聞之本

敕天而惟時惟幾馨香上格乾乾昭履信之符

人極建而府事脩和彈冠在朝讓畔在野鼓篋在

學擊壤在衢合萬類之林林總總荷鈞陶者奚

啻夫就日瞻雲

天功亮而明良交泰卿雲以歌清河以頌翽鳳以

鳴神芝以秀徧六合之皞皞熙熙戴尊親者無
聞於梯山航海固已純禧孔固至治覃敷恩溥
德洋毓嘉祥於寰宇豐亨豫大叶上端於圖書
矣乃

聖懷時切夫淵冲谷傲彌勤諸鞞鐸泰岱增高於土
壤河海廣納夫細流進臣等於

廷策以堂廉一德僚采靖共吏治循良士風砥礪
之道以臣愚陋何足知此然幸生郅隆之世食
德飲和匪朝伊夕沐浴詠歌之下敢不竭芻蕘
之一得以爲拜獻之資乎伏讀

制策有曰君臣一德上下同心盡謨明協贊之誠廣
翁受敷施之道此誠萬古明良交泰之隆情也
夫資始統天謂之乾乾君道也順承天施謂之
坤坤臣道也乾坤合德謂之泰泰也者上下交
而志同裁成輔相所由起也蓋天地之氣交則
太和保合而五行得其序四氣得其和彼品彙
之散殊莫不咸若其生矣君臣之德一則謨明
彌諧而百官得其職萬事得其理彼庶績之咸
熙莫不明作有功矣而又貴乎同寅協恭者大
小臣工師師濟濟擴至公無我之心成推賢讓

能之美是猶六子之效能一皆乾坤之分職而
坤道之承天則又皆乾元之主宰包涵渾蓋而
無所不周者也我

皇上以至誠待臣下崇之以禮貌任之以腹心卽賡
歌颺拜之風何以加茲凡在位者有不精白一
心抒誠啓沃聯堂陛爲一體合僚友爲一心以
收撫辰凝績之效乎

制策有曰人臣職內職外當去黨援阿比之私易矯
詐沽名之習厲匪躬之節凜勿欺之忱此誠人
臣體國奉公之大節也夫君君臣之義本之于天

經根之於至性不待策名委質而後有也經曰
資於事父以事君夫愛君之心一如其愛親則
靖共爾位一發於天性之忠愛而無忝厥職卽
所以無忝所生也抑曰事君如事天夫敬君之
心一如其敬天則夙夜匪懈一凜於屋漏之旦
明而不欺吾君一本而不欺爾室也夫如是則
植黨樹私之計自不敢生於心矯情干譽之懷
自不敢萌於念凡百爾在公一皆公忠自矢而
無或載爾僞以行其私者我

皇上於內外諸臣視之如家人父子推心置腹以相

待而爲臣者孰不思效分猷之任絕朋比之私以廓然大公者蒞事以肫然不欺者居心至誠之感捷於桴鼓而洗心滌慮之餘而迴心嚮道此其至矣

制策有曰親民之官莫如守令欲使官得其人人稱其職黜陟持其平鼓舞得其道此卽唐虞咨牧之意也夫民生之休戚係守令之賢否守令之賢否恃督撫之糾察夫人之性有剛柔人之才有優絀而所任之地則有風氣之異宜所任之事則有繁簡之殊致其因材任使調劑得宜長

材有自展之地而盤錯可勝小材有一得之長而器使各當是在公明之督撫而已夫人之才不必皆生而見優或生而見絀者也玩愒多則安於遲鈍練達久則近于老成小眚而責之過則志氣沮不逮而加之教則造就多我

皇上軫念民依慎簡守令量材而授能因地以分職循良奏績者彬彬而蔚起爲督撫者復以知人之明得任使之稱殿最之中顯示夫激厲之用則所謂倡九牧以阜兆民者乎

制策有曰士崇實行不尚文詞經明行脩而後爲碩

彥通方致遠而後爲全才此卽周官造士之方也古者處農于野處工于官處商於市而處士於庠序學校其教之也六德六行以端其本而不使習於便辟華僞以漓其天性之良四術六藝以全其才而不使安於顛蒙固陋以闕其經世之務故其材之成也上以備公卿大夫之選下而庶司百職皆賢才也我

皇上待士之恩至優至渥廣鄉會之額弘選拔之科拊循於鎖院棘闈之地顧復於飲食寒煖之常爲士者孰不爭自濯磨以求自效夫德行者士

之本也功業者士之用也而文詞特其餘事耳植其本裕其用而後及其餘是以脩之家者可獻諸廷善其身者可善諸世此則志之所當豫定者也而又擇嚴師以爲董勸如經義治事之列其齋分年讀經之定其課則人材輩出而漸摩陶淑之功由是而觀厥成也夫堂陛有都俞喜起之風則百司有所表率而大法小廉矣居官皆德行道藝之選則諸士有所折衷而成德達材矣惟

皇上以法天行健之心體憲天出治之政明明穆穆

致中和位育之功蕩蕩巍巍成參贊經綸之業
誠於此而動於彼體之信而達之順盛德大業
民莫能名上瑞庶徵史難悉紀

國家重熙累洽之治基於此矣臣草茅新進罔識

忌諱干冒

宸嚴不勝戰慄隕越之至臣謹對

臣對

臣

聞帝王之建極綏猷而開萬年有道之

梁詩正

長也凡所以經緯乎萬端者存乎政而所以宰
制乎羣動者存乎心蓋政者致治之具也心者
立政之原也心彌殷乎咨儆則雖上下交孚百
度具舉而嚴誥誡而勅時幾嘗以勵其謨明弼
諧之助也心彌殷乎化理則雖羣工亮采庶績
咸熙而儆有位以肅官箴嘗以作其奉公盡職
之忱也心彌殷乎吏治則雖官稱其人能稱其
任而鼓舞振興之用嘗宥其所不逮勉其所已

能也心彌殷乎造士則雖家無異學人無畸行
而漸摩陶冶之方嘗董之以師儒申之以庠序
也惟一人憂勤惕厲於上羣臣翼爲明聽于下
明良濟美察察宣猷而一心一德以昭其隆無
黨無偏以布其治舉賢舉能以試其績有德有
造以勵其脩馴至和氣旁敷仁風翔洽自昔唐
虞三代之朝所爲協於上下以承天休而諸福
之物可致之祥無不畢至焉者其道要不外此
欽惟

皇帝陛下

建中敷治

主敬誠民

大覲光揚烈之謨孝隆善繼善述

弘錫福敷言之訓美昭如緯如綸

秉耒耜於春郊而東南賜復西北蠲租頻沛日邊

鳳詔

崇師儒於頽壁而棧樸興賢菁莪籲俊欣瞻雲路
鵬飛

班朝涖庶政省惟歲省惟月省惟日統宮府內外
以勅天工三百屬欽承時亮

立極並三才應乎天應乎地應乎人合乾坤品物
而呈上瑞億萬年丕著鴻庥固已躋上理而昭
布大猷極蕩蕩巍巍之象際昌期而潤色弘業
成麟麟炳炳之觀矣乃

聖懷若谷雖安而猶若未安納善如流已治而益求
其治爰進臣等於

廷而策之以師濟之風公忠之誼用人造士之條
臣至愚極陋何足與知乎此然幸生休明之世
沐浴於教澤者亦既有年今承

清問下逮敢不勉竭愚誠以効芻蕘之一得乎伏讀
制策有曰堂陞孚於一德而後乃克贊其猷僚采合
爲一心而後乃共收其效大哉

聖訓此誠萬世交泰之隆情也竊惟唐虞之世明良
志慶而有賡歌颺拜之休成周之代俊乂充廷
而有推賢讓能之美是以當其時九功惟敘六
府孔修庶政惟和萬邦咸理蓋上下有交孚之
志而自克奮庸而熙載同寅有協恭之懷而乃
可撫辰凝績也我

皇上開誠布公推心置腹凡所以待臣下者一本於
肫摯之衷雖堯舜文武之君何以加茲則凡爲

臣子者感高厚之弘恩孰敢不恪恭爾位精白
乃心乎矢啓沃之微忱孰敢不交相黽勉和衷
共濟乎是惟欽承有永益勵斐恭而夙夜獻納
以大彌直之風翕受敷施以廣同朝之雅則庶
幾上不愧於對揚下無慙於儕列而唐虞三代
之佐復見於茲矣易曰天地交泰書曰推賢讓
能庶官乃和非是之謂歟

制策又曰臣爲股肱耳目之寄必忠以居心公以蒞
事然後能與君爲一體所以風厲臣工者至矣
夫君以庶司百職寄之臣原欲其以勿貳勿欺

者勵匪躬之節而諸臣以耳目手足効之君即
當以自靖自獻者展匪懈之思雖職有內外而
心無異同其義一也蓋人臣隱微之地有一念
之爲已卽不得謂之忠矣職業之間有一端之
徇人卽不得謂之公矣是以古大臣以精白居
心而惴忱深其篤斐未嘗敢以文貌相承以正
直守職而舉措去其徧私未嘗敢以黨援相結
者誠有見於爲臣之大義而公忠體國之兢兢
也方今內外諸臣奉

聖訓之煌煌勵臣心之業業亦庶幾以忠公是務矣

欽定四庫全書
欽定四庫全書
誠令服官者去私而奉公忘家而謀國則飾詐
沽名之念以消獨立而不懼共事而無嫌則溺
情阿比之私以化所謂欽乃攸司無載爾僞者
寧有外於是歟

制策又曰牧令爲親民之官宜使人稱其官才稱其
職而垂意乎課吏之計所以澄敘官方者莫過
於是矣夫百姓之休戚視乎守令之賢否而守
令之賢否惟在督撫之考成蓋其所以宣上德
達下情者俱於是乎在故必得其人以任之而
後有必收之效有可課之功古者敷奏明試之

法卽此意也我

皇上加意愛民慎簡牧令務使人地相宜有不勝任
者卽爲酌其繁簡互相更調此愛惜人材之深
計也夫久登仕籍之人已經歷試而可見而初
任王事之員未能頃刻而周之則考課之法非
督撫之責而誰責歟夫屬在下僚必當明試惟
嚴以立其程則不及者斲不以姑息而長玩愒
之風所當鼓勵其操持振興其志氣也寬以導
其塗則偶誤者亦不以苛求而傷忠厚之意所
當需之以歲月俟之以更新也則庶幾牧令承

流率教而績奏循良矣

制策又曰士必崇實學敦實行將何以爲漸摩陶冶
因材造就之方此誠樂育英才無窮之盛心也
竊惟古者教士三物六行有其典問師黨正設
其官將以納之於文章禮樂之地而導之以仁
義中正之歸是以一時之人才文行兼修而道
藝並茂甚盛舉也我

皇上造士之心有加無已重師儒之官以董其教大
成均之貢以拔其尤廣制科之額以收其用天
下之士願處則爲經明行修之彥出則爲通方

致遠之才蓋喁喁向化者莫不皆然矣夫務聲
華者旣流於緣飾而不情而安僞野者又近於
迂陋而無用則謀所以因材造就之方惟視其
文有餘者教之以敦本而力行而不使相逐于
浮華其質有餘者教之以明經而達務而不使
苟安於椎魯則成人有德小子有造又何患文
行之不兼修而道藝之不並茂歟若此者上竊
統而計之而知爲政之要不外此數大端而立
政之本又不外乎一心惟我

皇上以朝宁喜起爲心斯無不贊襄而底績也以鼓

勵臣鄰爲心斯無不體國而奉公也以考課吏
治陶成士類爲心斯無不勝任而有成也於以
登三咸五成一道同風之盛我

國家萬年有道之長積諸此矣臣草茅新進罔識

忌諱干冒

宸嚴不勝戰慄隕越之至臣謹對

奉

天承運

皇帝制曰朕仰荷

上天

列祖眷佑之隆

聖祖仁皇帝付託之重臨御萬方十有一年於茲兢兢

業業稍旰勵精凡所以致治之道無不期其備舉

至獎勵忠勤振興髦士奮武衛而厚民風尤未嘗

一日稍弛於懷也至治之世大小臣工類以純誠

自矢亦以精白望人蓋惟戴君爲元首故其視同

官也一細故體痛癢之相關化明黨比周之習爲
勸善規過之風夫是以協恭和衷共成致主澤民
之業也朕推誠以遇臣工時以公忠體國切如勗
勉深冀內外諸臣共臻斯路而服官受楮者果克
以忘私祛僞自勵而交勵耶若猶未也則圖所以
殫厥心者宜何如至業先四民之謂士必思所以
有異於齊民之實而後立心制行始不淪於污下
故孟子曰尚志記曰士先志卽宋陸九淵講喻義
喻利亦謂所喻由其所習所習由其所志志之不
立爲士之基已噫縱記聞廣洽文藻華瞻正昔人

所譏爲雖有文采而不可近者也然則士可不自
植其本歟而師儒之教又可弗急其先務歟夫治
世不弛武備凡以制治保邦於永久也今直省營
制非不勾稽有冊簡閱有規校練有期侵冒有禁
矣然保無有習爲具文未能實力舉行者乎其何
以副朕固圉衛民之意夫士不練不可以程勇器
不精不可以言備然則弧矢戈矛之用與夫坐作
進退疏數之節司戎政者寧勿時時加意歟移風
易俗吏治之最也導民以愛敬則忠順可移馴民
以敬恭則詬誶不作誘掖有術不難引中人而納

於君子之塗朕治天下恒以正人心厚風俗爲切
務故擢孝廉方正崇忠節孝義旌義門獎還金舉
凡裨補風化之事靡不激勸嘉與以樹風聲茲遐
邇民俗其悉淳歟大小臣工何以贊朕振興民行
之政耶大抵察案矢公誠則有以倡棫樸菁莪之
化膠庠敦禮教則有以儲股肱耳目之才軍政修
明則生民安堵風俗淳厚則衆志成城所謂清和
咸理萬年有道之長者此也爾多士其悉抒所蘊
以對朕將親覽焉

臣陳倓

臣對 臣聞帝王之撫綏海宇而裕萬年有道之
長也必有以勵百爾之端共使奮庸熙載者皆
夙夜寅清而體國奉公之日篤必有以振四海
之膠庠使誦詩讀書者皆砥礪廉隅而達材成
德之攸宜必有以作三軍之志氣使呈材効力
者皆嚴明簡閱而宣威肅紀之咸周必有以育
萬方之黎庶使出作入息者皆敦尚禮教而節
性防情之益謹蓋小廉大法以正其趨言坊行
表以端其習官方旣飭而士品彌優也信賞必

罰以彰其用愛親敬長以純其修疆圉永固而
風俗攸同也古之聖人表率先於朝廷薰陶徧
於士類而經營措置時存翼翼之小心訓練嚴
於平時大化成於久道而風動誠和羣仰巍巍
之至治一時明良誌美喜起典歌翼爲明聽之
班和衷交濟章甫縫掖之士去僞存誠武力不
振於寰中文教覃敷於海內唐虞三代之世所
由鴻圖永固國祚久長其道未始不由乎此也
欽惟

皇帝陛下

一誠錫福

九德膺圖

惟時惟幾協乾行於不息

丕承丕顯綿泰運於無疆

衍億萬世之心傳義畫箕疇質三才而立極

紹五百年之道統周情孔思集羣聖之大成

興賢育才闢四門明四目達四聰吉士吉人蒸棫

樸菁莪濟濟師師共瞻雲而就日

化民成俗秩五禮迪五常用五事善政善教被風

霆雨露熙熙皞皞咸擊壤而歌衢固已至治弘

敷純禧孔固普天率土沐膏澤而戴尊親異域
遐陬奉車書而執玉帛矣乃治益求治之念無
間於淳熙累洽之時而

聖不自聖之懷彌殷於博訪疇咨之際進臣等於

廷而策以風勵臣工振興士行修明武備牖迪民

風之道臣至愚極陋何足以知此然煌煌

清問實式臨之敢不扞管窺之見以爲拜獻之先資
乎伏讀

制策有曰至治之世大小臣工以純誠自矢亦以精

白望人而欲服官受糈者忘私去僞自勵而慤

人大哉

聖言此誠萬世臣道之極則也夫人君以股肱心膂
寄之臣原欲其以勿二勿三者勵匪躬之節臣
以耳目手足效之君卽當以自靖自獻者展匪
懈之思雖職有崇卑而報稱則一雖任有內外
而篤棊則同故隱微之間有一念之黨同伐異
卽非公也僚采之交有一事之引嫌避咎卽非
忠也

皇上開誠布公推心置腹視遐邇如一體待臣隣如
一身則凡委質爲臣者皆當矢粹然無私之意

存肫然無僞之心同寅協恭集衆思廣衆益而
不得謂之黨援合志同方善相勸過相規而不
得謂之比周蓋惟居恒以致身報主者自勵而
後入官益敦夫肫誠之誼夙昔以效忠宣力者
交勉而後同僚悉矢夫精白之忱由是百志惟
熙而庶明勵翼以繼師濟之盛而裕如矣

制策又曰士必有異於齊民之實而後立心制行始
不淪於汙下此誠造士無已之盛心也蓋四民
之中獨名爲士優其文貌厚自期待固欲其明
體達用爲邦國之羽儀鄉閭之表率也其在學

記口時教必有正業退息必有居學七年而小
成九年而大成涵濡造就之方如此其至也夫
豈習章句而談詩書遂足自附於儒林也乎我
皇上雅意作人選用之途旣廣漸摩之法尤詳近於
學校之外復廣設書院資其膏火定之課程禮
陶樂淑之化無不至矣臣愚以爲士習之克端
在師儒之董率果能體董仲舒正誼明道之訓
則心術不患其不醇果能倣胡瑗經義治事之
規則學術不患其不正果能遵朱子分年課士
之法則成就不患其不大以聖賢自期許而不

爲詞章記誦之習將見立身行已粹然有德之
修致遠經方卓然有用之學讀古訓而服先民
咸鼓舞奮興而蔚爲國華不有以贊文明之雅
化哉

制策又曰治世不弛武備而士不練不可以成材器
不精不可以言備其所以爲營伍計者至深切
矣夫國家當太平之日不可忘武備之修故書
稱克詰詩美車攻春秋書大閱而畜衆容民詳
於易象軍旅蒐狩垂於禮經凡以揆文奮武事
無偏廢也然而練習不素則軍令未嫻節制不

嚴則士心不戢是在司戎政者之勤其訓練而
已明紀律以示之而步伐之必齊擊刺之必捷
坐作進退之必整其折衝禦侮視爲固然而無
所強舉大義以曉之而袍澤之同心敵愾之同
奮尊君親土之交勉其有勇知方視爲當然而
無所辭則兵以衛民而民實重有賴於兵也我
皇上加惠營伍整飭戎閫士馬飽騰材官踴躍無不
練之士卒無不精之器械而干城腹心之寄洵
足致救寧於不替矣

制策又曰導民以愛敬則忠順可移馴民以敬恭則

詭譎不作誘掖有術不難引中人而納於君子之途此誠正人心厚風俗之至意也從來運會之隆視乎民風而民風之厚由於教化欲使家喻而戶曉必貴仁漸而義摩我

皇上建極綏猷於凡忠孝廉節之事有裨風化者靡不激勸嘉與光天之下至於海隅蒼生咸知向化矣誠使爲民牧者勤其訓迪敦倫飭紀使人知孝弟之宜篤則本正而末治矣嚴其督率讀法懸書使人知典章之宜凜則形端而表正矣明其董戒獎勤懲惰俾人知爲善之可樂而不敢

肖之可恥則觀感深而革薄從忠於不自知矣由是耕田鑿井俱爲順則之民講讓型仁益固恬熙之俗又何風之不古若哉此數者事有相因而理無二致故臣工矢公忠之誼而選造不慮其不弘也庠序有譽髦之英而啟沃不患其無藉也肅然而明軍政之要而海內又安永致平成清晏之祥也藹然而見禮教之行而衆志成城不啻磐石苞桑之固也而要惟

皇上以至誠無息之心裕憲天出治之實故以昭法守則臣隣億兆罔非宵旰所勤求以彰德化則

文教武功無非宥密所運量剛健篤實內有以立精明強固之體張弛舉措外有以善神明化裁之用體信達順咸五登三我

國家萬年有道之長基諸此矣臣草茅新進罔識忌諱于冒

宸嚴不勝戰慄隕越之至臣謹對

臣田志勤

臣對臣聞帝王之膺圖御宇而綿曆服于無疆也必有與天合撰之聖德以昭一代之治功必有法天行健之聖心以垂萬年之至計蓋君也者天之所授以統馭寰區者也而其所以疑天之命以大輔相裁成之用者實原本于一誠臣也者天之所設以分理庶政者也而其所以亮天之工以佐黼黻文明之治者惟政嚴于一敬故其時庶職有必修也士習有必醇也軍政有必飭也民風有必厚也所以經營而措置者具

見篤摯而周詳且庶職已修而益修士習已醇
而益醇軍政已飭而益飭民風已厚而益厚所
以休養而涵濡者更能潛移以默運君臣合德
上下同心誠至而百度修敬立而衆善舉以觀
百工則允釐以視人文則蔚起以戎兵之誥深
保邦之謨以仁義之施隆親遜之美則至深且
遠一代之治功以成萬年之至計以裕此唐虞
三代之盛化洽時雍而治隆熙皞者有由然也
欽惟

皇帝陛下

主敬綏猷

建中立極

經文緯武彙萃數百代之菁英

重道崇儒弘開億萬年之統緒

慎股肱耳目之寄汝翼汝爲汝明汝聽賡歌遠接

乎虞廷

昭經綸參贊之權自南自北自西自東聲教覃敷

于禹服

推恩以彰樂育而擢秀升賢掄才籲俊已覩旁招
廣勵處處咏棫樸菁莪

錫福以大生成而重農發粟賜復蠲租更邀至愛
深仁念念逮茅簷蔀屋固已禮明樂備仰景運
之天開物阜民安慶嘉徵之雲集矣乃

聖不自聖之念採訪維殷而安益安之衷諮詢彌切
臣幸際邳隆之世霑波

聖澤久矣茲者叨有司之薦與對
大廷敢不敬竭芻蕘仰答

高深于萬一乎伏讀

制策有曰至治之世大小臣工顛以純誠自矢亦以
精白望人大哉

聖言此萬世臣道之極軌也人臣以身事主而正誼
明道者拜獻之初志鞠躬盡瘁者匪懈之夙心
其或徇私植黨旣足以虧臣節而負所學持祿
苟安亦無以答君恩而襄化理肫然自將其至
性而何能不奉公而奉私也惕然共凜夫大義
又何敢瞻顧而依違也虛公以應務則和平當
理而共事可以無嫌忠誠以自信則夙夜無忝
而獨立可以不懼庶幾協恭之雅著而庶事之
由康與我

皇上恩禮臣工無微不至所以訓飭而警勉者脩極

周詳矣凡爲臣者務宜精白乃心和衷共濟各
勵其名節交勉其志行不以利害而規避不以
艱鉅而退沮則宣力効忠以佐

聖朝之雅化則喜起之盛有以超軼于前古矣伏讀
制策有曰業先四民之謂士必思所以有異於齊民
之實而後立心制行始不淪于汚下此我

皇上殷殷樂育作新士氣之盛心也乃士也者經明
行修無難自進于賢人君子之域而浮誇文僞
亦無難日曉于凌競詭僻之習夫上之所以儲
一時之用而下之所以成一代之俗則士習不

誠重可念哉古者德藝以賓興論秀以選造其
時廣師嚴道尊之化者尚實而不尚華而應言
揚行舉之典者亦皆以誠而不以僞蓋明體而
達用于學之已成而驗之而崇正以閑邪于學
之初志而定之矣我

皇上加意作人裁成化導又慎選學官廣建書院所
以造士者至矣士當人文化成之會爭自濯磨
滌除陋習抑欲速之心不敢以浮詞而取勝絕
驚名之念不徒以剽說而欺人講學明理祇期
自擴其性量設誠致行惟期自篤其潛修則虔

可以爲名儒碩彥出卽可以黼黻乎休明我
國家師師濟濟之盛胥于是乎脩矣伏讀

制策曰治世不弛武備凡以制治保邦于永久也夫
弧矢之利以威天下而整我六師以征不廷則
軍之修內焉所以守土而外焉所以禁暴也書
言六步七步六伐七伐禮言進退有度左右有
局是上下之兵固未有不練之于平時而遽求
決勝于一旦者也夫隊伍不整則無以齊其志
技藝或疎則無以作其勇堅利之資積而爲朽
鈍則無以奮武衛而肅軍容臣愚以爲此爲將

領者不得辭其責也我

皇上留心戎政整飭修明而提鎮大員體此以率其
屬下洗其積弊而警其偷惰則操練熟而坐作
進退之悉合所謂旌旗變色者不過是矣且奮
其忠義之忱卒伍而有士君子之心也鼓其果
銳之氣一人而當什伯人之勇也于以奏凱獻
囚何難哉伏讀

制策曰移風易俗者吏俗之最也導民以愛敬則忠
順可移馴民以敬恭則詬誶不作誘掖有術不
難引中人而納之于君子之途此誠有以見化

民成俗之本原也古者負耒耜則爲農習詩書則爲士遵鐸狗于道路飲射之義著于鄉人而問師黨正復以時致民而讀法焉蓋禮陶樂淑者深則親愛之化洽仁漸義摩者又則忠順之教成良非旦夕所能致其功而亦非俗吏所能奏其績也誠得有司之良者而仰體我

皇上正人心維風俗之至意而修明其教化焉則示以豳風七月之詩而民知勤儉矣示以唐風蟋蟀之篇而民奢淫之是戒矣孝弟之義申而人謹子弟之率廉讓之道著而戶鮮澆漓之風由

是教化行而風俗美不有以見太和之翔洽乎
臣又聞之有治人然後有治法有實心然後有實政我

皇上推誠表正照臨百官而諸臣亦皆仰體

皇上之盛心各務靖共恪勤職掌在內者凜啓沃之職而思所以盡乎其道在外者効承宣之能而思所以殫乎其才將見志節自勵者必能公忠以體國知方有素者亦且干城之可寄馴至家登壽域戶躋春臺諸福予以駢臻百嘉予以疊遂天德孚而王道天心孚而至治永我

國家億萬年昇平之慶在是矣臣草茅新進罔識
忌諱干冒

宸嚴不勝戰慄隕越之至臣謹對

臣對臣聞帝王之撫臨四海而垂統萬年也惟

臣沈文鎬

有與天合撰之德健行不息以默運於深宮而
天下仰主極之精醇惟有憲天出治之功丕旨
無疆以遍施於寰宇而天下樂王猷之溥博夫
是以勵天下之臣節而亮采宣猷者必欲其精
白乃心恪共厥職也正天下之士習而讀書稽
古者必欲其共敦行誼自勵神明也奮天下之
武衛而有備無患者必欲其訓練日勤以爲長
治久安之計也厚天下之民風而樹表立範者

必欲其倡率日勤以致道一風同之盛也其本
握於一誠誠則不貳不已而博厚高明之業以
成其要操於一敬敬則有嚴有翼而天工人代
之責無負由是朝宁皆靖共之佐膠庠多選造
之儒軍旅有赫濯之威閭閻盡醇厚之俗馴至
盛治涵濡太和翔洽宗社益奠於苞桑寰宇盡
蒙夫樂利自昔唐虞三代上凝天命下固人心
而諸福之物可致之祥莫不畢至者皆由乎此
欽惟

皇帝陛下

乾德當陽

泰階協曜

集大成於羣聖玉振金聲

冠首出於百王文經武緯

純孝善繼而善述紹聞衣德大觀光揚烈之謨

德音如綍而如綸定保明徵昭錫福敷言之訓

本至仁以弘怙冒臣歌喜起士慶明良農安耕鑿

浩浩乎參天兩地遍幬載於八方

積至敬以協感孚光爛星雲祥呈麟鳳瑞毓著芝
煌煌乎復旦重華兆庥嘉於萬世固已道高千

古秉聰明睿智以有臨化洽羣生合南朔東西
而並訖依古以來未有登斯極盛者也乃

聖不自聖彌切於疇咨安益求安廣資夫獻納進
等於

廷而策之以獎勸臣工振興學校練習行伍訓迪
民風之道以臣之愚何足以知此然幸生邗隆
之世食德飲和亦既有年今承

清問下逮敢不勉竭愚誠以効芻蕘之一得乎伏讀
制策有曰至治之世大小臣工類以純誠自矢亦以
精白望人用能戴君爲元首視同官如肢體此

誠砥礪官方之至意也夫人君奉天命以理萬
方作之君作之師眷顧獨隆而猶不忘宵衣旰
食勵精圖治之思人臣奉君命以分理萬物食
天祿治天職負荷匪輕豈可無殫精竭力協恭
和衷之意是以一身之耳目手足固爲報主之
資而百爾之才力心思亦無非効忠之助惟忘
私去僞自勵交勵有善可勸卽一倡衆和而不
嫌其從同有過當規卽意見參差而不嫌於立
異其道歸於有是無非盡善盡美以有濟於國
事而後已我

皇上闢誠布公推心置腹凡內外臣工一如家人父子而時以公忠體國切加勗勉爲之臣者必宜平日以君父爲重而不自私其身家以聖賢爲法而常念切於虞颺自能化朋黨比周之習以敦穆明師濟之風而成致主澤民之業矣

制策有曰業先四民之謂士必思所以有異於齊民之實而後立心制行始不淪於污下欲使爲士者自植其本師儒之教急其先務此誠振興士行之極軌也竊惟庠序爲風化之本多士乃齊民之倡古之聖王導以六德六行順以四術四

教凡樂正司徒之掌以次而升固謂士之自命非常而其立志爲不苟也夫廉恥者持已之大防也故士先器識而才技爲後忠孝者立身之大節也故士重德行而文藝爲輕我

皇上陶鑄羣倫涵育多士廣額於賓興加意於遴選撫循於棘院鎖闈之地栽培於太學書院之中誠使多士各以記聞廣洽詞藻華贍有文采而不可近者爲昔人所訛而自考其志念之微嚴辨於義利之介以正其所志端其所習而師儒之長育造就者亦以道德相期聖賢爲望無徒

以誦讀爲功名之徑則醇儒輩出於以家修廷
獻又何愧乎

制策有曰治世不弛武備凡以制治保邦於永久也
士不練不可以程勇器不精不可以言備此誠
固圉衛民之良謨也夫武功與文德並重而揆
文於奮武交資故弧矢之利所以威天下戎兵
之詰所以致治安將欲使勾稽之策簡閱之規
校練之期侵冒之禁無習爲具文而實力舉行
惟在司戎政者之得其人而已我

皇上保護元元思深慮遠當四海承平之日不忘治
兵振旅之思誠欲有備無患而億萬斯年長享
太平之福也是必大小臣工有督率之任者簡
閱以作其勇而凡坐作進退之節久而愈嫻精
勤以治其器而凡兵甲戈矛之屬周而必備器
備而士嫻雖置之勿用天下已隱然有不可犯
之勢而民得所衛益可盡力農畝而長蒙生養
之休所謂有百年不用之兵不可有一日或弛
之備者此意得也夫

制策有曰導民以愛敬則忠順可移馴民以敬恭則
詭詐不作誘掖有術不難引中人而納於君子

之塗此誠移風易俗之盛心也夫仁義道德皆
民性所自全任卹睦婣本民心所共慕故有一
事不合於道而見正於同儕則皇然以憂有一
事稍得其宜而見稱於有道則欣然以喜於以
知振興鼓勵不可無其人也牧民之吏與民甚
親所以導其忠順泯其詬訐而勤其誘掖者誠
不容緩矣我

皇上以正人心厚風俗爲切務孝廉方正之是擢忠
孝節義之必崇與夫旌義門獎還金大善必揚
細行亦錄凡所以廣化理而樹風聲者靡不畢

至宜六合之內蒸蒸向化可媲美於協和風動
之休也使臣工益體此意以布盛治於中外揚
休風於遠邇漸摩而陶淑之誠有遠軼乎古今
者矣若是者事有相因理惟一致臣隣共切公
忠則雅化興而髦士可蒸矣學校共崇禮教則
良材備而庶明可勵矣武備旣修則安民卽以
養民治化旣廣則作兵卽繼足食而皆由我
皇上以與天合撰之德大憲天出治之功至誠以握
其原至敬以操其要由是臣皆體國而奉公士
皆砥節而礪行軍政昭聲靈於震疊民風致從

欲於寰區金甌永固玉燭常調

國家重熙累洽之盛積諸此矣臣草茅新進罔識

思諱干冒

宸嚴不勝戰慄損越之至臣謹對

奉

天承運

皇帝制曰朕惟治法莫尚於唐虞堯舜相傳之心法
惟在允執厥中當時致治之盛至於黎民於變
時雍野無遺賢萬邦咸寧休哉何風之隆歟朕
纘承

祖宗丕基受

世宗憲皇帝付託之重踐阼之初孜孜求治雖當重熙
累洽之餘而措施無一日可懈風俗非旦夕可
淳士習何以端民生何以厚不能無望於賢才

之助茲際元年首科朕特臨軒策問冀爾多士
啟子不逮夫用中敷治列聖相傳然中無定體
隨時而用因事而施宜用仁則仁卽中仁非寬
也宜用義則義卽中義非嚴也或用仁而失於
寬用義而失之嚴則非中矣何道而使之適協
於中耶詩稱不競不綌書稱無偏無黨果何道
之從耶政治行於上風俗成於下若桴鼓之相
應表影之相從然夏尚忠商尚質周尚文其後
各有流弊惟唐虞淳厚後世莫能議焉其悉由
於允恭溫恭之德致之然耶抑五典五禮之傳

庸五服五刑之命討亦與有助耶朕欲令四海
民俗咸歸淳厚其何道而可國家三年一大比
士宜乎得人然所取者明於章句未必心解而
神悟也習於辭華未必坐言而起行也朕欲令
士敦實學明體達用以勸相我國家何以教之
於平素何以識拔於臨時科舉之外有更宜講
求者歟意者衣食足而後禮義興凡厥庶民旣
富方穀足民卽所以訓士歟書稱土物愛厥心
臧又有謂沃土之民不材者何歟夫民爲邦本
固當愛之愛之則必思所以養之養之必先求

所以足之朕欲愛養足民以爲教化之本使士
皆可用戶皆可封以臻於唐虞之盛治務使執
中之傳不爲空言用中之道見於實事多士學
有所得則揚對先資實在今日其直言之勿泛
勿隱朕將親采擇焉

金德瑛

臣對臣聞樹后王君公承以大夫師長明王所
以奉若天道也故曰天聰明聖時憲帝王之道
莫大於承天天之道在於陰陽以陽生萬物以
陰成萬物陰居大冬而空虛不用陽居大夏而
施布成功故因材而篤而歸於無一物之不遂
其生帝王法天以爲用凱以強教悌以悅安德
威德明互施而歸於無一物之不得其所然而
天無心而成化者也聖人有心而無爲使有成
見則失於偏而未能物來順應悉協於時宜矣

是故敷政寧人之本在於用中轉移化導之權
成乎風俗賢者天之所簡也民者天之所愛也
選賢與能修睦講讓大道爲公由此其選矣然
文必學以辨之敬以承之講求乎允執厥中之
旨斯可紹前烈承先聖之正傳而克享乎天心
矣夫因革異宜創業守成異制而欽崇天道永
保天命之意先後未嘗不同揆也守之貴行之
利故帝王之學學以此也帝王之治治以此也
欽惟

皇帝陛下

大孝光昭

至誠廣運

隆丕顯丕承之緒於緝熙單厥心

紹惟精惟一之傳念終始典於學

定仁義中正而立極肇修人紀五常協五氣之宜

統元亨利貞以行乾保合太和四德順四時之序

勅百僚以凝績不競不絀不剛不柔休養生息沛

維新之澤而萬民萬物共樂熙熙

闢四門以登庸有馮有翼有孝有德翕受敷施宏
顓俊之風而吉士吉人咸歌藹藹固已從容中

道弗祿用康彌性優游純禧孔固荷未橫經之
衆食舊德而服先疇含生負氣之倫被和風而
親化日矣乃

聖衷彌惕履盛思謙進臣等於

廷而策之以執中心傳並及於風俗之本造士養
民之方臣雖愚陋敢不竭芻蕘之一得以仰答
清問之至意伏讀

制策有曰用中敷治列聖相傳然中無定體隨時而
用因事而施用仁用義何道而使之適協於中
此誠治之大本也夫撫綏萬邦其事至艱至

鉅也而道不外一中中者無過不及故曰君子
而時中或因世風趨向而爲之導人心勤惰而
立之防當其玩愒務在振作其紀綱及其旣知
策勵而警惕又貴有以優游維持而培植其元
氣寬以濟猛猛以濟寬一張一弛鼓之舞之以
盡利用中之權無定轍焉仁近於寬義近於嚴
而煦煦不可以爲仁苛刻不可以爲義以其非
中也包涵爲仁而有所懲創以爲仁果斷爲義
而有所縱舍亦爲義惟中則無失也

皇上仁育義正用中之道至矣而事幾物情或有積

漸而趨於一偏者唯鑒空衡乎之體精察而調劑之耳卿士承流百姓觀化在上者建中斯罔不協於中矣昔堯之欽明舜之濬哲禹湯之祇德綏猷文武之敬止敬勝無非精求此中而運用之此治法道法一以貫之者也

制策又曰政治行於上風俗成於下夏商周各有流弊欲令四海民俗咸歸唐虞之淳厚大哉

王言真一道同風之幸也夫治天下者定所尚尚忠尚質尚文三王之道若循環然當其初亦以救弊而與民變易耳迨其後世相仍而不改流弊

以生畸輕畸重之勢使之然也唐虞際中天之運民風樸茂固其所也而民俗視乎主德如桴鼓影響不可易者史臣紀堯曰允恭舜而溫恭則聖人之德莫大於敬特生知則恭而安過化存神下民不言而喻耳至於良莠並生雖唐虞之世亦然五典惇五禮庸五服五刑之命討皆磨勵之具民愚賤難曉見朝廷有所舉錯則爲之聳動而鼓舞故曰道以德齊以禮不得已而刑賞施焉此風俗之原也抑書曰同寅協恭言君臣皆寅畏恭敬以亮天工則知典禮刑賞本

恭以出有天德而後有王道可致斯世於唐虞也

制策又曰令士敦實學明體達用以勸相國家何以教之於平素何以識拔於臨時此取士期於必得也夫同爲士而品不同敦本而勵行者不患其藝之不工而患其道之不立修辭以立誠者不患其名之不著而患其文之無補古者鄉三物教萬民而賓興之六德以養其源六行以踐其實六藝以善其用凡皆責以純修而不徒尚才華也周子有言曰文辭藝也道德實也文以

載道又曰志伊尹之所志學顏子之所學可謂士矣我

皇上整飭士風教思不倦誠欲爲士者經明行修正已率人他日入官不煩議事以制將有賴焉豈徒炳炳烺烺夸采色務聲音爲世俗之文已哉然則仿鄉舉里選而核其行於平日或如宋胡瑗經義治事之教朱子限年分經之議師儒得人考校有術使各知繩檢爭自濯磨亦庶幾彬彬然質有其文文章政事之選也

制策又曰民爲邦本固當愛之愛之則思所以養之

韓 臣 丙 辰 和
足之何其憂民之周也夫沃土之民不材此爲
富而失教言也而教原先自養始臣嘗觀於周
禮自田晦肥瘠與夫長幼廢疾六畜多寡之數
二鬴三鬴四鬴之歲人無不周知而又辨以土
宜班以職事安以保息聚以荒政其詳如此至
於五禮以教中六樂以教和升其孝秀而辨其
賢能是以民氣樂而風俗成也我

皇上蠲租省賦所以紓民力而體恤之者至矣然生
齒日繁而田土不加益是在課之以職而督之
以勤夫宅不毛者有里布無職業者出夫家之

征雕文刻鏤傷農事錦繡纂組害女紅所以驅
游惰歸南畝崇節儉敦本計也至於土物愛則
厥心臧倉廩實而知禮義期於教以成之誠得
良有司焉承德意而宣布於下以及通工惠商
之政次第設施解民愠而阜民財其在斯乎要
而論之法者所以通變也不必盡同道者所以
立本也不可不一因時制宜而道不出於一中
惟我

皇上以大中之矩至誠之心熟操而淬礪之志作而
氣隨上感而下應將見風俗美士民興

國家重熙累洽之庥永無疆矣臣草茅新進罔識
忌諱干冒

宸嚴不勝戰慄隕越之至臣謹對

臣對臣聞帝王之撫綏海宇而有道萬年也必

黃孫懋

有法天不息之心以裕憲天出治之政統心與
政而無弊者則中爲要焉以執中者存諸心而
經營措置敷政寧人當然之矩不失於毫釐以
用中者播諸政而進退損益裁成輔相秩然之
衡不淆於幾務蓋心者所以立極經緯萬端不
崇朝而徧天下者也政者所以制事斟酌百王
盡善盡美合先後而一之者也二者固交相維
繫而不可爲重輕聖人知其然故其體在乎樹

仁義中正之則由朝廷而畿甸由邦國而要荒
形端表正較風雨露雷而更神其用在乎大公
溥明通之施由宮府而膠庠由俊良而黎庶浹
髓淪肌與日月山河而俱永主極立而府事修
和正德利用厚生以時中以悉順俊乂登而風
俗淳厚時憲欽若從乂以建中而大同自昔唐
虞三代之隆修道以恢無外之基樹人而立不
拔之業久安長治享祚無窮者其道固由於此
欽惟

皇帝陛下

大孝格天

至仁涵海

乾符御宇八方欣丕冒之寬

離照當陽萬象仰文明之麗

敕天命而咨傲臣鄰兢兢業業率作以省其成

訪洛疇而敷陳彝訓蕩蕩平平斂時以錫汝極

蠲租賜復使物物各得其所而且秩五禮敬五事

迺五常普德施於千八百國

升賢籲俊俾人人樂效其長而且闢四門達四聰

明四目垂麻烈於億萬斯年固已至治有徵昇

平成象普天率土誦愷悌而戴尊親異域遐陬
奉車書而執玉帛矣乃

聖不自聖之意彌殷於累洽重熙而安益求安之心
兼資夫細流土壤爰進臣等於

廷而策之以敷治之本風俗之原士習克端民生
克厚之道以臣愚陋何足仰承

清問然幸生邳隆之世食德服疇匪伊朝夕敢不竭
管窺之見爲拜獻之資乎伏讀

制策有曰中無定體隨時而用因事而施大哉

王言誠萬世相傳治統之要道也從來圖治之君必

期於盡善而爲治之要惟在於協中顧中之爲
道非有爲執持亦非無意因任執持者其失在
以心爲主而不合之於事則膠固而不知變通
因任者其失在以事爲主而不裁之以心則游
移而無所宰制故廷陛之授受曰執中史臣之
贊揚曰建中無主心主事之弊而有因心制事
之宜也我

皇上聰明天錫仁義性成紹精一之心傳布公平之
政治萬幾就理百度惟貞而猶諄諄研究乎中
之義蓋誠念中也者制心制事之極也夫事有

宜用仁者本惻隱之心爲和平之政則惇大成
裕而不流於姑息矣事有宜用義者本嚴毅之
心爲裁制之準則明作有爲而不鄰於苛察矣
無偏無黨遵王道之蕩蕩不競不綵美敷政之
優優是惟居敬存誠以立其本窮理格物以致
其用則未事而不偏不倚者渾然在中臨事而
無過不及者秩然各當心法在是治法在是矣
制策有曰政治成於上風俗成於下若桴鼓相應表
影相從此誠萬世建極綏猷之至意也夫風化
之原上與下相關君與臣遞重相關者所謂君
子之德風小人之德草是也遞重者所謂后克
艱厥后臣克艱厥臣政乃乂黎民敏德是也顧
三代以前風仍渾噩三代以後俗漸增華雖運
會遷流有日趨於文之勢而維持習尚有交相
爲助之功我

皇上秉允恭溫恭之德敷放勳重華之治鼓舞作新
之術至詳且悉凡爲臣工者爲上爲德孰敢不
思日贊襄爲下爲民孰敢不樹以風聲先儒西
銘有言曰民吾胞物吾與大君者天之宗子其
大臣宗子之家相蓋論其勢則堂上堂下不啻

千里百里之遙論其義則無貴無賤均此天秩
天叙之理君建其極臣宣其猷民順其則上行
下效不疾而速固如此也

制策有曰三年大比所取者明於章句未必心解而
神悟習於辭華未必坐言而起行蓋崇儒術敦
實學之心於是益切矣學記曰時教必有正業
退息必有居學七年而小成九年而大成其所
以陶淑而成就之者至詳其所以期待而屬望
之者甚大豈徒習章句而工文藝遂儼然自附
於儒林也乎我

皇上加意遴選儲才待用士生斯世亦既服習古訓
宜何如居心濯磨砥厲酬報萬一也以正誼明
道爲心則學不患其不醇以窮理通經爲心則
學不患其不深以濟人利物爲心則學不患其
不大處爲醇儒卓然明體達用之士出則名臣
恢乎致遠經方之材庶無負
朝廷教養培植之意而可以應遴材者之拔取而
無愧矣

制策有曰民爲邦本固當愛之愛之則必思所以養
之養之則必思所以足之蓋物阜民安而教化

之本在是矣從來豫大本於豐亨禮義生於富足易稱物畜然後有禮書云土物愛厥心臧今將使家給人足則必導之勤樹藝教之節財用勿樂安逸而好封靡也今將使敦詩說禮則必董之以師儒申之以孝弟勿誘愚柔而逞材智也我

皇上周知民隱子惠元元躬耕藉之文下休養之詔蓋欲人人務本力作不趨末利而事恒產以復恒心也夫士之子常爲士農之子常爲農士與農各有弓冶之傳出而負耜入而橫經士與農

亦有兼及之業不隕獲於貧賤不克詘於富貴卓然特立者槩不多見衣食足而禮教興財用足而百志成旣富方穀者人情類然則欲教之而使風俗淳美安可不先有以養之而使室家盈寧哉此數者事有相因理無二致上有以建明德之極則平章協和而黎民於變時雍矣士有以砥廉隅之操則講讓型仁而萬姓觀感興起矣要惟我

皇上基命宥密以執中者存諸心潤色鴻猷以用中者布諸政由是九功歌叙致平成清晏之祥萬

福凝承進日月升恒之頌金甌永固玉燭常調
我

國家萬年有道之長基諸此矣
臣草茅新進固識
忌諱干冒

宸嚴不勝戰慄隕越之至
臣謹對

秦蕙田

臣對 臣聞帝王之治本於道帝王之道本於心
心也者至治之根柢萬化之樞機也廓然大公
以立其體物來順應以致其用舉敷政維風厚
生正德之理悉會歸於無偏無黨之平而其要
皆原於誠中庸謂凡爲天下國家有九經所以
行之者一也一者誠也卽中也聖學緝熙中爲
之本聖治昭明中爲之矩政術之張弛無難行
也運之以實心則事各得其宜而不競不絀咸
適于大中之範措之以實政則物皆得其理而

府修事和自進於熙皞之風古聖王致治之隆
所以度政畢修民生遂而民性復者此道得也
故善治天下者不在有馭天下之術而恃有治
吾心之道不徒有行仁政興教化之名而貴有
行仁政興教化之實以是內之百工有亮采之
績而萬邦協和推之百姓有平章之象而從欲
以治人才奮興而文教日昌民情悅豫而和氣
洋溢堯舜之盛德大業不難再見於今日者也
欽惟

皇帝陛下

清寧協撰

雲日重華

錫類推恩本大孝以先天下

綏猷布化霈深仁以惠寰區

納諫如流儆臣鄰於啟沃務期萬物得所以幾於

風動時雍

用人惟已定黜陟於權衡必使度績咸熙以底於

平天成地

膏澤洽而潤徹乎蔀屋花村畢箕風雨原濕陰陽
咨稼穡之依而民多恒產

德化行而漸被乎東膠西序春秋禮樂冬夏詩書
樂菁莪之育而士有恒心固已蒙生養之休極
尊親之戴人遊化日世躋春臺矣乃猶進臣等
於

廷策之以風俗何以淳士習何以端民生何以厚
而屬其望於賢才此虞帝執兩用中之盛心夏
王置鞞懸鐸之至意也臣請得而敬陳之伏讀
制策曰用中敷治列聖相傳然中無定體隨時而用
因事而施大哉

王言誠聖聖相傳之心法也夫易尚中正書稱執中
春秋傳曰民受天地之中以生夫中者心之體
所以主宰乎此心而化裁萬物者也聖人之道
一以貫之一者中也所以貫者心也故曰君子
而時中蓋天無心以一中分造化故斂於陰而
舒於陽罔非自然之用人求中而於一心起經
綸故仁為育而義為正總符易簡之原宋臣周
敦頤論太極陰陽而曰聖人定之以中正仁義
蓋中正仁義所以隨時而用因事而施者也而
必本太極以立其原則陽動陰靜無非循環互
用之理當其靜則鑒空衡平中之本所以裕也

當其用則因物付物中之道所以行也有時而用仁則合乎生育長養之道而非有意以姑息有時而用義則合乎裁成宰制之宜而非有心以綜核此用寬用嚴所以爲仁義之中也否則煦煦以爲仁而務爲喫咻之術則小惠弗遍而適以啓蕩佚之風子子以爲義而不勝激烈之氣則天資近刻無以養和平之福是敷治之所以氓競綵而消偏黨者亦惟會歸於極而已制策又曰政治行於上風俗成於下若桴鼓之相應表影之相從大哉

聖言萬世興禮讓敦教化之極則也夫四海之風俗係乎人心而人心之趨向因乎主術唐虞際中天之世著垂裳之容仰溫恭濬哲之化故其民相與以天而相應以誠此始如元氣之渾涵而雲行雨施品物咸亨也三代尚忠尚質尚文則因時以立政隨事以更化故一時雖有俾父之效而習而久之則不能無流弊此始如風霆雨露之各得其用而不可以久安也我

皇上元德統天中和育物四海之內被潤澤而大豐美者已洋洋乎有於變之休矣由是而敦典庸

禮以嚴秩叙則民志定而揖讓可與也信賞必
罰以昭命討則民氣肅而軌物可守也將見道
德齊禮之世民盡革心平康正直之朝人皆淳
厚何患風俗之不媲美於中天也哉

制策又曰欲令士敦實學明體達用何以教之於平
素何以識拔於臨時大哉

聖言從來振興學校砥礪士習莫有如此之脛詳也
夫古今學術之辨惟在爲己爲人而君子小人
之分專在喻義喻利此不可以不端其趨而堅
其志也勵之以實學則志向克立而希聖希賢

漸進於高明之域取之以虛名則志氣卑下而
飾言飾行徒知爲榮進之階宜講求於平日而
重師儒之倡率也太學爲首善之區鄉校爲育
才之地誠得其人以董之倣胡瑗經義治事之
法而擇敦本務實者肄業其中課之以講習厚
之以廩餼需之以歲月別之以懲勸觀摩陶冶
淬厲鼓舞俾皆懋於身心性命之務而不存弋
取聲譽之心則辭華章句之習必將自返於躬
行實踐之學矣至于取士之道我

皇上立賢無方其途已廣科舉之制其法已詳何患

人才之不古若而坐言起行之無其人哉

制策又曰衣食足而後禮義興凡厥庶民既富方穀足民卽所以訓士此誠富教兼施之要道也書曰惟土物愛厥心臧又曰資富能訓欲教民而先之以養則足民爲急也但向之論足民者曰開源節流而已今汙萊旣已漸闢耕作亦已勤動所患固不在地有餘利而民有餘力也習尚奢侈競事華靡甚至奴隸廝役皆厭布素而曳絲縞衣服無等貴賤不章此其爲風俗人心之弊可不爲之厲禁哉誠使軫其饑寒立其品節

杜其奢靡則沃土之民亦可與爲善而不可與爲非矣抑臣更有進焉今之待足者不獨在民而士爲尤甚何也民之服賦畝而逐什一者尚有資生之策惟士旣不能爲農工商賈之謀往往困守青瑣俯仰無藉何以爲四民之倡而鼓從善之心哉似宜略倣昔時養士之制而爲之酌復者也要之用中爲布治之原執中爲治心之要內無偏陂之見外協中正之規野多鼓腹之民家有蓋藏之慶士皆淳茂而體用兼該戶盡可封而孝秀時出太和蒸被上軼唐虞我

國家億萬年無疆之休在是矣臣草茅新進罔識

忘諱干冒

宸嚴不勝戰慄隕越之至臣謹對



